




Tšhošwane E Phološa Leeba

- ✎ Kholeka Mabeta
- 👤 Wiehan de Jager
- 🗨️ Motlhago Sara Mohale
- 💬 Sepedi
- 📊 Level 2





E be e le letšatši la go fiša la selemo sekgweng
sa go ba le komelelo.



Tšhošwane e be e feditše matšatši a mantši e se na meetse.




“Ke nyorilwe, ke nyaka meetse, le ge e ka ba lerothi go tšwa letlakaleng la mohlare,” gwa Ila Tšhošwane.

Efela le phoka e be e se gona, e omile.






“Ge nka se hwetše meetse, ke tlo hwa,” gwa
Ila Tšhošwane. “Ke swanetše go leba kua
nokeng yeo ke kwelego ka yona.”




“Noka e tletše wa go falala. E tlo go rwala,”
gwa eletša legotlo la bohlale.




Efela Tšhošwane e be e nyorilwe kudu. “Ke tla hwa ge nka se nwe meetse.” Ka fao, ya sepela go yo nyakana le noka.



Tšhošane ya sepela ya feta bjang bjo bo telele
godimo ga dithabe tša go oma.




E ile ya sepela go fihla e ekwa lešata la meetse. Ke noka! E ile ya kwa maphoto a meetse!




Tšhošwane e ile ya nwa meetse ao a fodilego,
a noka, lebaka le le telele.



E be e thabile kudu gomme e sa lemoge
lephotho la meetse leo le bego le tšwelela.




Tšhošwane e ile ya leka go swarelela bjang
bjoo bo bego bo feta ka meetsing. Efela e ile
ya rwalwa ke meetse ao.




“Nthušeng. Thušang hle!” ya goelela.



“Phakiša, namela,” gwa bolela Leeba le le šweu, le swere thabe ka molomong, le thuša Tšhošwane.



“Ke tla dula mo go fihla ke kgona go leboga leeba,” gwa akanya Tšhošwane. “Ke tla ema go fihla a etla go nwa meetse.”




Ka letšatši le lengwe Tšhošwane ge e sa letile moo nokeng, gwa tšwelela bašemane ba babedi. Ba be ba swere diketi.



“Go na le leeba le legolo le lešweu leo le tlogo le enwa meetse mo,” gwa bolela yo mongwe wa bašemane. “Re tla lalela ka lona.”



“Nka se tlogele bašemane ba bolaya Leeba le lešweu,” gwa nagana Tšhošwane. “Eupša ke nna yo monnyane kudu, ke eng seo nka se dirago?”



Ka yona nako yeo, ke ge Leeba le fofela fase go tšwa mohlareng go tlo nwa meetse.

Tšhošwane ya tlelwa ke kgopolo.





Ya tabogela godimo ga leoto la o tee wa
bašemane bale. Tšhošwane ya loma mošemane
kudu ka moo e ka kgonago.



Mošemane a taboga. "Mmawe!" a goelela.



Leeba le ile la tšhoga gomme la fofela lefelong
la go bolokega.



Ke ka wona mokgwa woo Tšhošwane e ilego ya leboga Leeba ge le kile la mo phološa kotsing ya meetse.



Storybooks South Africa

global-asp.github.io/storybooks-southafrica

Tšhošwane E Phološa Leeba

Written by: Kholeka Mabeta

Illustrated by: Wiehan de Jager

Translated by: Motlhago Sara Mohale

This story originates from the African Storybook (africanstorybook.org) and is brought to you by [Storybooks South Africa](https://global-asp.github.io/storybooks-southafrica) in an effort to provide children's stories in South Africa's many languages.



This work is licensed under a Creative Commons
[Attribution 3.0 International License](https://creativecommons.org/licenses/by/3.0/).